

Ferðablaðið

FÖSTUDAGUR 4. MAÍ 2018

Kynningar: Vita



Það er mikil upplifun að kynna Kúbu með eigin augum. Mannlífið er litríkt og skemmtilegt.

Ógleymanlegt ævintýri með VITA á Kúbu

Ferðaskrifstofan Vita býður upp á einstaklega áhugaverða ferð til Kúbu í nóvember. Frábær ferð fyrir þá sem vilja kynna sér merkilega sögu eyjarinnar og hlýða á góða tónlist í afslöppuðu og fallegu umhverfi í Havana eða liggja á ströndinni og njóta sólarinnar í Varadero. ➔ 2

Framhald af forsiðu ➔

Stefán Ásgeir Guðmundsson, fararstjóri hjá Vita, þekkir Kúbu vel enda hefur hann farið margt þangað. „Farþegar hafa val um að skipta vikunni upp, vera fyrst í Havana og síðan við ströndina í Varadero eða allan tímann á öðrum hvorum staðnum. Flestir kjósa að brjóta vikuna upp, það eru fjórar nætur í borg og þrjár nætur úti við ströndina. Það er dásamlegt fyrirkomulag því þá er hægt að njóta afslóppunar í sólinni áður en haldið er aftur heim,“ segir hann.

Gamli tíminn í nútímanum

Ævintýraeyjan Kúba hefur lengi heillað enda sagan margslungin. „Í Havana fær fólk að upplifa stemmingu gamla tímans. Kúba hefur lengi verið einangruð þrátt fyrir að vera stutt frá Bandaríkjunum. Það er ótrúlegt að upplifa þennan gamla tíma og rómantíkina sem liggur í loftinu. Við fáum líka að kynna því fyrir hverju byltingin stóð. Sömuöldis er hægt að fá innsýn inn í gamla tímann fyrir byltinguna árið 1959 þegar Havana var helsta skemmtana- og næturlífisborg Bandaríkjamanna. Áður en Las Vegas byggðist upp fór fræga fólk til Havana til að njóta lífsins. Þarna blómstruðu spilavíti og næturklúbbar. Fólk þekkir þessa sögu, til dæmis í gegnum bókmenntir, bíómyndir og heimildarþætti. Við bjóðum meðal annars upp á gistingu á einu frægasta hóteli á Kúbu, Nacional, sem er gamalt mafiósahotel. Þar gisti margt frægt fólk og skemmti sér, má þar nefna Frank Sinatra auk margra annarra. Sjá má heilmargar minningar og myndir um þennan tíma á hótelinu,“ segir Stefán.

Margt að sjá

Í Havana er fetað í fótspor byltingarmanna, þeirra Fidels Castro, Che Guevara og Raúls Castro. „Boðið er upp á margar skoðunarferðir þar sem sagan er skoðuð. Má þar nefna byltingartorgið og byltingarsafnið þar sem sjá má ýmsar minjar. Ég hef tekið eftir því að margir Íslendingar hafa gríðarlega mikinn áhuga á þessari sögu. Mörgum finnst merkilegt hvernig Fidel Castro komst upp með að standa gegn Bandaríkjamönnum.“

Stefán segir auðvelt að upplifa gamla tímann í Havana enda hafi lítið breyst í borginni. „Það gerist allt mjög rólega þarna. Það sáust ákveðnar breytingar í forsetatíð Obama líkt og þegar sendiráð beggja ríkja voru opnuð aftur í Havana og Washington. Obama lagði áherslu á að afnema viðskiptabannið en það er enn við lýði. Hins vegar hafa þessi skref í átt að bættum samskiptum landanna gengið til baka eftir að Trump tók við. Ferðamenn fara almennt ekki til Kúbu til að versla. Fólk kaupir helst gott romm og bestu vindla í heimi. Það er líka orðið meira úrval af handverki og myndlist. Þjónusta í kringum ferðamenn hefur verið að batna og aukast undanfarið,“ segir Stefán.

Rúntur með gömlum kagga

Gömlu bílarnir setja svip á Havana. Þeir eru allir frá því fyrir byltinguna og það er mjög gaman að fara í bíltúr með þeim. „Það er hægt að leigja slíkan bíl og aka um borgina sem er mjög skemmtilegt,“ segir Stefán og bendir á að fólk ætti ekki að fara til Kúbu með væntingar um góðan mat. „Maður fer ekki til Kúbu til að borða gourmet-mat. Kúba er ekki þekkt fyrir sælkeramat enda hefur þetta verið lokað land og ríkisrekið. Ferðamenn fara þangað til að upplifa söguna,



Kúba er mekka tónlistarinnar. Alls staðar er syngjandi og dansandi fólk, hvort sem er inni á veitingastöðum eða á götum úti.



Fararstjórar Vita á Kúbu, Sigfús Ólafsson, Kristinn R. Ólafsson og Stefán.



Það hefur ekkert breyst í Havana í áratugi. Byggingarstíllinn er afar sjarmerandi.

tónlistina, götumenninguna og skoða glæsilegan arkitektúr frá nýlendutímanum. Það er hvergi annars staðar hægt að sjá svo vel varðveittan byggingarstíl nýlendutímans og maður er alltaf að sjá eitthvað nýtt. Mannlífið er frábært í Havana,“ segir Stefán.

Tónlistarparadís

Það er alls staðar tónlist í borginni. Toppmúsikantar syngja og spila á götum úti. Kúbverjar eru frábært tónlistarfólk og flestir þekkja Buena Vista Social Club. Margir íslenskir tónlistarmenn hafa farið til Havana og tekið upp plötur, má þar nefna Tómas R. Einarsson og Bubba Morthens. Borgin er sveipuð sannkölluðum tónlistarþokka og þarna má finna suðupott ólíkra menningarheima þar sem gætir áhrifa bæði frá Afríku og frá Spáni.

Kúba hefur verið mikið í fréttum undanfarið, sérstaklega eftir að nýr forseti tók við, Miguel Díaz-Canel. „Nýi forsetinn starfar undir styrkri stjórn Raúls sem er enn formaður flokksins. Ég sé ekki fram á breytingar á næstu árum sem er að ákveðnu leyti gott fyrir ferðamenn en slæmt fyrir íbúa. Uppbygging er hæg á Kúbu og það breytist sennilega ekki í bráð,“ segir Stefán.

Þeir sem ætla til Kúbu ættu að taka með sér evrur eða kanadíska



Í Varadero getur fólk flatmagað á strönd og synt í hlýju Karíbahafinu.

dollara. Kortanotkun er nær óþekkt á þessum slóðum nema á betri hótélum. Auðvelt er að skipta evrum á hótélum en minni þóknun er tekin af henni en til dæmis bandarískum dollurum.

Sól og sjór í Varadero

Í Varadero eru stór og góð hótél

þar sem farþegar Vita gista. Allt er innifalið í þeim pakka, matur og drykkir. „Þarna er sólskinsparadís þar sem fólk getur slappað af. Boðið er upp á siglingu og safariferð um sveitina ef fólk vill. Annars er gaman að stinga tánum í Karíbahafið og njóta fagurs umhverfis.“

Ferðin til Kúbu er sjö nætur, farið er 10. nóvember og flogið í beinu flugi með Icelandair.

KOSTIR Í BODI: 7 nætur í Havana 7 nætur í Varadero eða 4+3, sem eru 4 nætur í Havana og 3 nætur í Varadero.

EVY
TECHNOLOGY

UVA

5 stjörnur



**ALLT AÐ 6 TÍMA
SÓLARVÖRN**

**beauty
shortlist
AWARDS
2018**

WINNER



www.bast-i-test.se/solkram

ÞOLIR SJÓ, SUND, ÍÞRÓTTIR OG LEIK

Viðbætt kollagen, silkeextrakt, C- og E-vítamín fyrirbyggir og lagfærir sölaskaða í húð.

- Húðin verður fallega sólbrún, mjúk og rakafyllt. Best í test þrjú ár í röð.
- Ofnæmisprófað er gott gegn sólarexem og sólarofnæmi. Þægilegt að bera á húðina, vatnsheld ekkert klístur eða fituáferð.
- Engin paraben, engin ilm-eða nanaóeindir. Engin hormónatruflandi efni.
- Meðmæli húðlækna.

**Grunnformúlan er
læknisfræðilega skráð**



BÄST-I-TEST.se





ÚRVAL ÚTSÝN

ÁVALLT SÓLSKIN MEÐ ÚRVAL ÚTSÝN

HVERT ÆTLAR ÞÚ Í SÓLARFRÍ?

MEÐ ÍSLENSKRI
FARARSTJÓRN
SKOÐUNARFERÐIR
Í BOÐI

MORGUN-
VERÐUR

ALBIR 22. MAÍ – 1. JÚNÍ
★★★★ **ALBIR PLAYA**

VERÐ FRÁ 84.900 KR.

Verð á mann m.v. 2 fullorðna og 2 börn í tvíbýli með morgunverði. Verð frá 106.900 kr. á mann m.v. 2 fullorðna.

TENERIFE 23.–30. MAÍ

★★★ **THE SUITES AT BEVERLY HILLS**

VERÐ FRÁ 59.900 KR.

Verð á mann m.v. 2 fullorðna og 2 börn í stúdío. Verð frá 74.900 kr. á mann m.v. 2 fullorðna.

ALLT
INNIFALIÐ

ALMERIA 31. MAÍ – 07. JÚNÍ
★★★★ **MEDITERRANEO PARK**

VERÐ FRÁ 79.900 KR.

Verð á mann m.v. 2 fullorðna og 2 börn í tvíbýli með **ALLT INNIFALIÐ**. Verð frá 102.500 kr. á mann m.v. 2 fullorðna.



HÁLFT FÆÐI

BENIDORM 24. JÚNÍ – 2. JÚLÍ
★★★★ **MELIA BENIDORM**

VERÐ FRÁ 85.900 KR.

Verð á mann m.v. 2 fullorðna og 1 barn í tvíbýli með **HÁLFT FÆÐI**. Verð frá 94.900 kr. á mann m.v. 2 fullorðna.



MORGUNVERÐUR

KANARÍ 26. JÚNÍ – 3. JÚLÍ
★★★★ **VITAL SUITES**

VERÐ FRÁ 99.900 KR.

Verð á mann m.v. 2 fullorðna og 2 börn í junior svítu með **MORGUNVERÐI**. Verð frá 117.900 kr. á mann m.v. 2 fullorðna.



MALLORCA 1.–8. JÚLÍ
★★★ **ROC PORTONOVA**

VERÐ FRÁ 87.900 KR.

Verð á mann m.v. 2 fullorðna og 3 börn í íbúð með 2 svefnherbergjum. Verð frá 151.900 kr. á mann m.v. 2 fullorðna.



HÁLFT FÆÐI

ALMERÍA 9.–16. ÁGÚST
★★★★ **BEST SABINAL**

VERÐ FRÁ 94.900 KR.


Verð á mann m.v. 2 fullorðna og 2 börn í tvíbýli með **HÁLFT FÆÐI**. Verð frá 115.900 kr. á mann m.v. 2 fullorðna.



MALLORCA 12.–19. ÁGÚST
★★★★ **ZAFIRO PALMANOVA**

VERÐ FRÁ 103.900 KR.

Verð á mann m.v. 2 fullorðna og 2 börn í íbúð með 1 svefnherbergi. Verð frá 165.900 kr. á mann m.v. 2 fullorðna.



HÁLFT FÆÐI

BENIDORM 30. ÁGÚST – 7. SEPTEMBER
★★★★ **BALI**

VERÐ FRÁ 82.900 KR.

Verð á mann m.v. 2 fullorðna og 2 börn í tvíbýli með **HÁLFT FÆÐI**. Verð frá 106.900 kr. á mann m.v. 2 fullorðna.

INNIFALIÐ Í VERÐI ER FLUG, GISTING, ÍSLENSK FARARSTJÓRN, FLUGVALLASKATTAR, FERDATASKA OG HANDFARANGUR.



★ LÚXUS ★



KANARÍ 28. ÁGÚST – 4. SEPTEMBER

BAOBAB RESORT ★★★★★

Glæsilegt 5 stjörnu hótél með frábærum garði á góðum stað í Maspalomas / Meloneras. Herbergin eru glæsilega innréttuð og þar er nánast allur hugsanlegur lúxus. Frá svölum er útsýni yfir hafið, heillandi sandöldur, pálmalundi eða fjöll í fjarska. Stór og mikilfenglegur sundlaugargarður og góð aðstaða til sólbaða.

VERÐ FRÁ 136.900 KR.

Verð á mann m.v. 3 fullorðna og 2 börn í fjölskylduherbergi með **MORGUNVERÐI**.
Verð frá 135.900 kr. á mann m.v. 2 fullorðna.




13.–26. NÓVEMBER
BALÍ PARADÍS Á JÖRÐU

VERÐ FRÁ 339.900 KR.

Verð á mann m.v. 2 fullorðna og 1 b. Mikid innifalið, nánar í ferðalýsingu.

MIKID
INNIFALIÐ



KRISTJÁN STEINSSON
FARARSTJÓRI




HAUST 2018
EL PLANTIO ALICANTE

VERÐ FRÁ 154.900 KR.

Verð á mann m.v. 4 fullorðna. Golfbítar og íslensk fararstjórn.

NÝTT!
GOLFBÍLL
INNIFALINN

HAUSTFERDIR
KÖNNAR




1.–12. NÓVEMBER
THAILAND BANGKOK & HUA HIN

VERÐ FRÁ 269.900 KR.

Verð á mann m.v. 2 fullorðna og 1 barn.
Mikid innifalið, nánar í ferðalýsingu.

MIKID
INNIFALIÐ



KRISTJÁN STEINSSON
FARARSTJÓRI

NÁNAR Á URVALUTSYN.IS
OG HJÁ FERÐARÁÐGJÖFUM Í SÍMA 585 4000

VERÐ ERU BIRT MED FYRIRVARA UM PRENTVILLUR OG STAFABRENGL.



Fjölbreytt úrval af TYR sundfatnaði á konur, karla og börn, úr DURAFast 300+ efninu, sem er sérlega klórþolið og lithelt.

Kíktu inn á heimasíðuna okkar www.aquasport.is
– sérverlsun með sundvörur.

Aqua Sport
www.aquasport.is

Aqua Sport sundverslun • Bæjarlind 1-3 • 201 Kópavogur



Gaman er að fylgjast með fólki leika listir sínar á brimbrettum á ánni Isar sem rennur í gegnum München.

München er meira en bjór og kringlur

München er sannkölluð stórborg sem hefur yfir sér skemmtilegan bæjarbrag með afslöppuðu andrúmslofti. Borgin iðar af mannlífi, þar er gott að versla og margt að skoða.

Sigríður Inga Sigurðardóttir
sigriddinga@frettabladid.is



München er þriðja stærsta borg Þýskalands með um 1,5 milljónir íbúa. Borgin er jafnframt höfuðstaður Bæjarlands. Hátt í þrjátíu prósent íbúa eru af erlendu bergi brotnir og borgaryfirvöld eru þekkt fyrir að taka vel á móti nýbúum. Fyrir vikið er München sérlega alþjóðleg borg með iðandi mannlífi og borgarbúar eru þekkir fyrir gestrisni.

Milljónir koma á Oktoberfest

München er einna frægust fyrir hina geysivinsælu Oktoberfest, bjór-hátíð sem haldin er á hverju hausti og dregur að sér milljónir gesta ár hvert. Í fyrra komu um 6,2 milljónir á hátíðina sem er sú stærsta sinnar tegundar í heiminum. Hátíðin á rætur sínar að rekja til ársins 1810 en upphaflega var tilgangurinn með henni sá að tæma bjórgeymslur borgarinnar áður en nýtt bjór-tímabil hófst. Víða um borgina eru bjórgarðar þar sem ljúft er að sitja og njóta góðra veitinga. Loftslagið á þessum slóðum er þægilegt en meðalhittinn í júlí og ágúst er um 23 gráður að degi til en það er eitthvað svalara á kvöldin.

Liflegur miðbær

Miðbærinn í München er einkar liflegur en þar ber hæst Marienplatz, sjálf aðaltorg borgarinnar. Yfir torginu trónir ráðhúsið í fallegri byggingu í gotneskum stíl. Í ráðhúskjallaranum er veitingastaðurinn Rathauskeller sem býður upp á ekta þýskan mat. Daglega safnast mikill mannföldi saman á torginu til að fylgjast með þegar ævafornt klukkuspil fer í gang með dansandi figúrum. Þegar líða tekur að jólum breytir Marienplatz um svip því þá er opnaður jólamarkaður á torginu sem stendur yfir í þrjár vikur.



Marienplatz er stærsta og vinsælasta torg borgarinnar. Miðbærinn er vel skipulagður og stutt í allar áttir.

Hagstætt verðlag

Í miðbænum er fjöldi verslana af öllu tagi og auðvelt að gera góð kaup, enda verðlag hagstætt og úrvalið mikið. Þá eru ótalin kaffihús og veitingastaðir af öllum stærðum og gerðum. Steinsnar frá Marienplatz er Viktualienmarkt, stærsti útmarkaður borgarinnar sem vert er að skoða. Þar eru fjölmargir sölu-básar sem bókstaflega svigna undan nýju grænmeti og ávöxtum, ostum, ólífum, kryddi og fleira góðgæti.

Við hliðina á markaðnum er Eatly, geysistór matarmarkaður þar sem ítalskar vörur eru í aðalhlutverki. Auðvelt er að gleyma sér við að skoða dýrðina og ekki má láta Nutella hornið fram hjá sér fara en þar er einungis boðið upp á veitingar sem innihalda Nutella.

Paradis í miðri borg

Skammt frá miðbænum er Enski garðurinn, einn stærsti almenningsgarður Evrópu. Hann er hreinasta paradís á góðum sumardegum, enda afar vinsæll meðal borgarbúa. Fjöldi

bjórgarða er í Enska garðinum og hvarvetna hægt að tylla sér niður með nesti og bjór. Áin Isar rennur í gegnum garðinn og er vinsælt að fylgjast með fræknu fólki leika sér á brimbrettum á ánni.

Bílar og fótbolti

Ekki er hægt að heimsækja München nema skoða BMW-safnið, Allianz Arena sem er heimavöllur knattspyrnufélagsins Bayern München og Ólympiuleikvanginn sem var byggður fyrir Ólympiuleikana árið 1972. Hann er nú notaður fyrir tónleika, fótboltaleiki og íþróttakeppni. Ólympiuturninn, sem er hátt í 300 metra hár, er fyrir löngu orðinn eitt af kennileitum borgarinnar. Í 190 m hæð er útsýnispallur þar sem sést yfir alla borgina og um 10 metrum neðar er veitingastaður sem snýst í heilan hring á um klukkustund. Þá er gleðigangan orðin mjög vinsæll viðburður í borginni en í ár fer hún fram 14. og 15. júlí. Líkja má stemningunni við karnival á þeim tíma.

Ástralía 5.-25. október

Þriggja vikna spennandi ferð um Ástralíu frá 5. - 25. október.
- Mikið innifalið -

Kynntu þér ferðina betur á
www.iceline.travel.com



Verð 649.000 á mann
miðað við 2 í herbergi



Upplýsingar í sínum 845 - 1425 / 899 - 1295
eða á tölvupósti info@iceline.is



Að kyssa ljónsins rass

Girona er sérdeilis falleg og skemmtileg borg, full af sögulegum minjum og iðandi mannlífi. Stutt er að skreppa þangað í dagsferð frá Barcelona en það er líka hægt að dvelja lengur og kynnast leyndardómum borgarinnar betur. Og svo þarf að kyssa ljónynjuna ...

Brynhildur Björnsdóttir
brynhildur@frettabladid.is



Barcelona hefur verið afskaplega vinsæll áfangastaður Íslendinga árum saman enda borg lista, menningar, veðursældar og iðandi mannlífi. Barcelona er höfuðborg Katalóníu sem er eitt ríkasta hérað Spánar, ekki bara í aurum talið heldur ekki síður að náttúrufegurð, sögu og menningu. Í hundrað kílómetra fjarlægð er hin sögufræga og fagra borg Girona, falinn fjársjóður sem gaman er að kynna sér nánar.

Girona er borg með langa sögu en þar má finna mannvirki frá því fyrir tíma Rómverja. Hellulagðar götur og háir steinveggir gamla bæjarins færa gesti og gangandi aftur í aldir og hægt er að slást í leiðsagnarhópa þar sem saga borgarinnar er rakin með viðkomu á helstu stöðum. Vegna hinna mörgu sögulegu bygginga er Girona vinsæl þegar velja á tókustaði fyrir sögulegar kvikmyndir og sjónvarpsþætti og þar má til dæmis sjá söguvið úr Game of Thrones, eins og hérlendis en boðið er upp á sérstakar gönguferðir um þær slóðir í Girona.

Girona afmarkast af fjórum ám og er áin Oynar þekktust en hún rennur gegnum miðja borgina. Meðfram henni eru marglit húsum sem gefa borginni sitt sérstaka yfirbragð. Yfir Oynar liggja nokkrar frægar brýr, meðal annarra brú sem Gustaf Eiffel hannaði.

Auðvelt og ánægjulegt er að versla í Girona, margar litlar fallegar hönnunarbúðir og þægilegt umhverfi einkum í kringum Sjálfstæðistorgið, Plaça de la Independencia, þar sem stendur minnismerkið Girona 1809 í minningu þeirra sem hafa fallið við að verja borgina. Á torginu má einnig stundum sjá katalónska þjóddansa, sardana, og notalegt að hvíla þar lúin bein með svaladrykk eftir farsæla borgarskóðun.

Í Girona er eitt besta veitingahús í heimi, veitingahúsið El



Minnismerki um þá sem vörðu borgina á Plaça de la Independencia. MYND/BEATHTHETRAVELAGENT

Celler de Can Roca sem rekið er af þremur bræðrum, sem eru menntaðir sem kokkur, þjónn og bakari. Staðurinn er handhafi þriggja Michelin stjarna og erfitt getur reynst að fá borð þar en það er alltaf hægt að komast að í ísbúð Roca-bræðranna sem stendur nálægt Sjálfstæðistorginu og margir segja að beri fram besta ís í heimi. Aðrir veitingastaðir í Girona reyna að standast samburð við Roca-bræðurna sem gerir það einstaklega ánægjulegt að fara út að borða í Girona.

Náttúran í kringum Girona er rómuð fyrir feegurð og í borginni og í kringum hana gefast mörg tækifæri til útivistar, einkum þó hjólreiða en margir helstu hjólreiðakappar heims hafa þjálfað sig þar fyrir stórar keppnir þar sem loftslagið er hagstætt hjólreiða-

mönnum og fjölmargar hjólaleiðir liggja um nágrennið.

Í Girona má að auki finna fjölda safna og sögufrægra bygginga, hægt er að ganga eftir gamla rómverska borgarmúrnum og kynna sér baðmenningu Rómverja í vel varðveittum húsakynnum. Þá eru fjölmargar kirkjur í borginni frá ýmsum tímabilum sem gaman er að skoða.

Best er að fara til Girona með lest eða rútu. Lestarferðin tekur um fjörutíu mínútur og eru ferðir oft á klukkutíma yfir daginn en fækkar aðeins þegar líða tekur á kvöldið.

Áður en þú ferð frá Girona er mjög þýðingarmikið að kyssa rassinn á steinljónynjunni frá tólftu öld sem stendur á árbakkanum hjá dómkirkju heilagrar Felíu. Gömul hjátrú segir nefnilega að ef þú gerir það þá komir þú örugglega aftur.



Borgarmynd Girona einkennist af þessum marglitu húsum og brúnni eftir Gustav Eiffel. MYND/BEATHTHETRAVELAGENT

Stökktu til MAROKKÓ



Frá kr. 79.995



Beint flug til Agadir

Fararstjórn: Vilborg Halldórsdóttir og Trausti Hafsteinsson

9.-20. maí – 12 daga ferð, aðeins 7 vinnudagar



Frá kr. 79.995

Netverð á mann, m.v. gistingu í tvíbýli á 3 stjörnu hóteli í 11 nætur með morgunmat.

Heimsferðir
-fáðu meira út úr ferðunni



Bjórhatíðir í Evrópu

Margar skemmtilegar bjórhatíðir eru haldnar í Evrópu ár hvert. Það er fátt skemmtilegra en að drekka kaldan bjór, njóta góðra veitinga og fylgjast með fjörugum skemmtiatriðum í notalegri sumarsólinni. Hér eru nokkrar þeirra stærstu talda upp.

Prague Beer Festival fer fram í Prag í Tékklandi dagana 10. til 26. maí. Þar má smakka rúmlega 70 tékkneskar bjórtegundir en á hátíðarsvæðinu verða átta stór tjöld þar sem boðið er upp á gómsætar veitingar og skemmtiatriði.

Viku síðar hefst Erlangen Beer Festival í bænum Erlangen í Þýskalandi. Hátíðin stendur yfir til 28. maí en hún hefur verið haldin árlega í rúmlega 250 ár. Um milljón gestir heimsækja hátíðina á hverju ári.

Í lok júní hefst Hannover Beer Festival og stendur hún yfir til 8. júlí. Hamburg Summer Beer Festival hefst 27. júlí og stendur til 26. ágúst en sú hátíð á rætur að rekja til ársins 1300.

Að lokum má minnst á stærstu og frægustu bjórhatíðina, Oktoberfest, sem er haldin dagana 22. september til 7. október í München. Hún hefur verið haldin árlega síðan 1810 en hana sækja um sex milljónir gesta á hverju ári.



Sevilla er borg borganna í ár

Spænska borgin Sevilla vermir toppsætið á lista Lonely Planet yfir þær tíu borgir heimsins sem verðugast er að heimsækja í ár. Sevilla hefur undanfarinn áratug tekið hamskiptum þar sem blómstrandi reiðhjólamenning og hljóðlátir spórvagnar hafa leyst af íþyngjandi umferðarþunga sem fyrir var.

Sevilla er höfuðborg Andalúsíu-héraðs á Suður-Spáni. Borgin er höfuðvagi hins ástríðufulla flamenco-dans, sælkeramatseldin er ómóttstæðileg og gotneskur arkitektúr gleður augað í mörgum af fegurstu byggingum Evrópu. Menning og saga drýpur af hverju strái í Sevilla og þar verður hátíð Evrópsku kvikmyndaverðlaunanna árið 2018 og haldið upp á 400 ára afmæli Sevilla-málarans Murillo, svo fátt eitt sé nefnt.

Rúmlega tveggja stunda akstur er til Sevilla frá Malaga á Costa del Sol.

Lengsta skemmtiferðasigling í heimi

Á næsta ári verður hægt að fara í lengstu skemmtiferðasiglingu sem nokkurn tímann hefur verið skipulögð. Um er að ræða ferð sem kallast The Viking Ultimate World Cruise sem mun taka alls 245 daga. Samkvæmt áætlun verður siglt til sex heimsálfa, 59 landa og lagt að bryggju í 113 höfnum, stórum sem smáum. Haldið verður af stað frá London þann 31. ágúst 2019 og mun ferðin enda þar í borg áttá

mánuðum síðar. Siglt verður á nýju skemmtiferðaskipi sem tekur 930 farþega.

Skipið er að sjálfsgöðu búíð öllum nútímaþægindum og afþreyingu svo farþegum ætti ekki að leiðast á meðan á ferðinni stendur. Siglingin kostar frá tæpum þrettán milljónum á mann og allt upp í 37 milljónir en dýrustu miðarnir eru þegar uppseldir. Skipið kemur m.a. við í Reykjavíkurhöfn.



Lengsta skemmtiferðasiglingin er sannkölluð draumaferð.

SEA FOLLY
austriá

SPORTÍs

MÖRKIN 6 | 108 REYKJAVÍK | S: 520-1000 | SPORTIS.IS